

40,000, Ալեքսանդրապոլ՝ 12,000, Բորչալու՝ 7000 եւ Սեւանայ լճի կողմերը (Նոր Բայազիդ) 26,000, ապա Պարսկաստանից Երեւան եկան 3,900 ընտանիք հայեր, Նախիջևեան՝ 2363 ընտանիք, եւ այլն: Ընդամենը անշուշտ անլի քան 110,000 հոգի: Այս վերջին թիւն էլ իր կարգին համապատասխանում է վերեւի այն տեղեկութեան թէ՛ Անդրկովկասի հայութեան 1/3-ից մինչեւ 1/2-ը Տաճկաստանից ու Պարսկաստանից է գաղթած եղել: Ապա՝ «կովկասեան երկրամասի բոլոր քաղաքներում», ասում է Հ., «կարելի է գտնել հայկական փոքր համայնքներ, ամէն տեղ՝ որպէս անւտրակամներ եւ արհեստաւորներ, որովհետեւ վրացական ցեղերը արհամարհում են առեւտուրը: Բայց հայ գիւղեր եւս կան Ելիզաւետպոլ (Գանձակ) շրջանի լեռնային մասում, ապա նաեւ՝ Ծամչաղնում եւ Ղազարում (որ է՝ այժմեան Դիլիջանի գաւառ): Կախէթիայում նրանք բնակութիւն հաստատեցին Հերակլ Բ. թագաւորի օրով: Ախալցխայի գաւառում գտնուում են մի շարք հայ գիւղեր»:

Հաքստհաուզէն անձամբ չէ եղած Ղարաբաղ, բայց նրա մասին ստացել է տեղեկութիւններ իրազեկ աղբիւրներից:

Ղարաբաղի հայութեան քուի մասին դրժ-բախտաբար որոշ տուեալ չենք գտնում Հաքստհաուզէնի մօտ, այլ միմիայն հետեւեալ ընդհանուր տեղեկութիւնները.

«Բացի այժմեան քուն Հայաստանից, — ասում է նա (Ա. 216), — ամենաչափ հայեր կան Ղարաբաղ նահանգում: Հարթավայրերից նրանք անլի դէպի լեռներն են քշուել»:

Թէ ի՞նչ թիւ էին կազմում այն ժամանակ հայերը Ղարաբաղում եւ ո՞ր տոկոսը ընդհանուր աղբարնակութեան, այդ մասին տեղեկութիւն չենք ստանում:

Իսկ ի՞նչ ենք իմանում վրաստանի, յասկապէս Թիֆլիսի հայութեան քանակի մասին:

Թիֆլիսի ազգաբնակչութեան մասին Հաքստհաուզէն Դիւբուա-ից աննելով, որ իր հերթին էլ «1834-ի պաշտօնական աղբիւրներից» է քաղած եղել իր տեղեկութիւնները, — հետեւեալ թուերն է հաղորդում՝ չհաշուելով զօրամասերը: Նկատի ունենալով նրանց պատմական կարեւոր նշանակութիւնը, առաջ ենք բերում վիճակագրական տախտակը ամբողթեամբ:

Դասեր	Վրացիներ	Հայեր	Մահմեդական թաթարներ	Ընդամէնը
Մոբալաբի (բուն քաղաքացի, քաղքենիներ)	110	2,500	—	2,610
Պետակ գիւղացիներ (ազատ)	1,751	10,237	612	12,600
Եկեղեցապատկան գիւղացիներ (ճորտեր)	800	2,150	—	2,950
Մասնապատկան գիւղացիներ (ճորտ)	1,180	2,210	110	4,500(?)
Ազատ երկրագործներ	150	250	—	400
Իմերեթցի բանուորներ, որոնք անհաստ. բնակ. ունին	—	—	—	300
Հրեաներ	—	—	—	60
Իշխաններ եւ ազնուականներ	—	—	—	1,090
Հոգեւորականներ	286	473	1	780
	4,277	17,820	723	25,290

Մասնապատկան գիւղացիներին կամ ճորտերին վերաբերող թուերի մէջ, ինչպէս նկատեց ուշադիր ընթերցողը, 1000-ի սխալ կայ, այսինքն՝ կամ գումարն է սխալ, 4500-ի փոխարէն 3500 պիտի հաշուել, եւ կամ գումարե-

լիներից մէկն է 1000-ով պակաս նշանակուած, (ինչ որ հաւանական է):

Ուրեմն, ըստ 1834-ի պաշտօնական աղբիւրների Թիֆլիսի բնակչութեան ընդհանուր